

# Сийрат дарслари (207-дарс) Қўл бериб кўришиш



00:00 / 04.12.2022 2691

797. Абдуллоҳ ибн Умар розияллоҳу анҳумодан ривоят қилинади:  
«Бир киши Расулуллоҳ соллаллоҳу алайҳи васалламга салом берди. У зот таҳорат ушатаётган эдилар, саломга алик олмадилар».  
*Муслим ривоят қилган.*

798. Қатода розияллоҳу анҳудан ривоят қилинади:

«Мен Анасга: «Набий соллаллоҳу алайҳи васалламнинг саҳобаларида қўл олиб кўришиш бормиди?» дедим. «Ҳа», деди».  
*Бухорий ривоят қилган.*

799. Анас ибн Молик розияллоҳу анҳудан ривоят қилинади:

«Набий соллаллоҳу алайҳи васалламнинг ҳузурларида икки киши акса урди. Шунда у зот улардан бирига тилак билдирилар ва бошқасига тилак билдиримадилар. Сўнг у зотга бу ҳақда айтилди. **«Буниси Аллоҳга ҳамд айтди. Униси эса, Аллоҳга ҳамд айтмади»**, дедилар».

*Бухорий ва Муслим ривоят қилишган.*

800. Салама ибн Акваъ розияллоҳу анҳудан ривоят қилинади:

«Бир киши Набий соллаллоҳу алайҳи васалламнинг ҳузурларида акса урди. Шунда у зот унга: **«Ярҳамукаллоҳу»**, дедилар. У яна бир бор акса урди. Шунда Расууллоҳ соллаллоҳу алайҳи васаллам: **«Бу одам тумовдир», дедилар».**

Муслим ривоят қилган.

**«Расууллоҳ соллаллоҳу алайҳи васаллам» китобидан**